



4. februar 2011

UPA 2011/49

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Nuummi, Sisimiuni Ilulissanilu ivigaasanik qallikkanik arsaattarfiliornissap pilersaarusrneqarnissaanut 2012-mi Aningaasanut Inatsisissatut siunnersuummi aningaasanik immikkoortitsinissamik Naalakkersuisut peqquneqarnissaannik Inatsisartut aalingiiffigisassatut siunnersuut.**

(Inatsisartunut ilaasortaq Niels Thomsen, Demokraatit)

### **Tungavilersuut**

Ilisimatuussutsikkut misissuinerpaaluit takutinnikuuaat, timigissarnek nappaatinut, soorlu uummaserisarnermut, puannut, taqqanik qerattartoornermut, naggussani gigtimut aammalu isumatsassimanganermut pinaveersaartitsisuullunilu peqqissinarloq. Aamma puigussanngilarput, timigissarnek pualavallaarnermut akiuniarnermut sakkutsialaammat.

Taamaattumik pigaaruteqarpoq isumagissallugu innuttaasut timigissarsinnaanissamut periarfissagissaartissallugit. Kalaallit uagut timersuutini nuannarilluinnakkata ilagaat isikkamik arsarnek. Ulluinnarni takujuarparput, amerlaqisut klubbi nuannarinerusami kiataanik atortut, facebook-imi takusarpagut illersukkaminik nersorinnittut, ukiut tamaasa GM-ini takusarpagut aamma aqqusinerne atuarfiillu anitsiartarfiini takujuarparput meeqqat tiimerpassuarni arsarusaarsinnaasut.

Ajoraluartumik silatta pissusia imaappoq, arsarnissamut periarfissat pitsaanerpaajunatik. Qujanartumilli teknologiikkut ineriartornerup kingunerisaanik ivigaasanik sanasoqarsinnaavoq, ivigavittulli pitsaagigajattunik. Tamanna Qaqortumi takuneqarsinnaavoq, tassani ivigaasanik qallikkamik arsaattarfeqalereernikuuvoq atorluarneqartumik.

Demokraatit isumaqarput tulluurtuusoq kommunit sisamat tamarmik ivigaasanik qallikkanik arsaattarfittaarunik. Aamma tulluurtuusorivarput arsaattarfiit illoqarfinni anginerniisikkaanni –



Nuummi, Sisimiuni Ilulissanilu. Siunnersuutikkut Naalakkersuisut peqquagut piviusunngortineqassasoq, 2012-mi Aningaasanut Inatsisissatut siunnersuummi arsaattarfiit pingasut pilersaarusiorneqarnissaannut aningaasanik immikkoortitsissasut.

Naatsorsuutigivarput suliarinninnermut aningaasartuutit katinnerat 15 mio. koruunit tungaanoorsinnaasut. Ilisimavarput Qaqortumi arsaattarfik ivigaasanik qalligaq 3 mio. koruuninik akeqarsimasoq, kisianni sumiiffinni pissutsit illoqarfinni allani pingasuni imaariataannaapput akisunerutitsisut. Taassumap saniatigut Naalakkersuisut kaammattorumavagut GBU, DBU aamma FIFA oqaloqatigissagaat aningaasatigut taperneqarsinnaaneq pillugu. Soorunami pitsaanerpaajussagualarpoq aningaasat ima amerlatigilersinnaagaluarpata arsaattarfiit qulisannngorsinnaallutik, kisianni qililiisinnaannginneq arsaaffiliornissamut aporfiumngisaannassooq.

**Pisortanut aningaasarsiornikkut allaffissornikkullu kingunerisassai.**

Siunnersuut Namminersorlutik Oqartussanut aningaasaqarnikkut kinguneqassooq, Naalakkersuisut siunnersuut malillugu peqquneqassammata arsaattarfiit pingasut sananeqarnissasa pilersaarusiornera aningaasartuuteqarfigeqqullugu. Arsaaffiit ulluinnarni ingerlanneqarnerat kommuunit akisussaaffigissuaat. Taamaattumik siunnersuut kommuuninut allaffissornikkut aningaasaqarnikkullu sunniuteqassooq. Kommuunit ataatsimoortumik tapiissutaasut iluanni aningaasanik sulisunillu arsaattarfiit ingerlanneqarnissaannut nassaassapput. Tamatumani Qaqortumi misilittakkat atorneqarsinnaapput, Demokraatillu nalilerpaat, ingerlatsineq, aserfallatsaaliorneq assigisaallu ullumikkut arsaattarfiit sioraaraasut aningaasartuuteqarfisarnernanniit annerusumik sinninngikkaa.

**Namminersorluni inuussutissasiornermut aningaasaqarnikkut allaffissornikkullu kingunerisassai.**

Siunnersuut namminersorluni inuussutissasiornermut aningaasaqarnikkut allaffissornikkullu namminersortunut kinguneqassanngilaq.

**Innuttaasunut aningaasaqarnikkut allaffissornikkullu kingunerisassai.**

Siunnersuut innuttaasunut aningaasaqarnikkut allaffissornikkullu kinguneqassanngilaq.



Taamatut oqaaseqarlunga Naalakkersuisut akissutissaannut kiisalu partiit allat oqaaseqaatissaannut qilanaarpunga.